

續修四庫全書



《續修四庫全書》編纂委員會編

續修四庫全書

上海古籍出版社

一〇二三・子部・醫家類

張氏醫通十六卷（卷十一至卷十六）〔清〕張璐撰……………一

辨證錄十四卷 洞垣全書脉訣闡微一卷（辨證錄卷一至卷十二）〔清〕陳士鏞撰……………三五三

2437/03

張氏醫通

二

〔清〕

張

璐

撰

據遼寧省圖書館藏清康熙寶
翰樓刻本影印原書版框高
一八六毫米寬二六二毫米

張氏醫通卷十一

長洲石頑張

璐路王父集

男

以柔安世

訥遜言

婦人門下

產後

經曰乳子而病熱脈懸小手足溫則生寒則死
乳子中風熱喘鳴肩息者脈實大而緩則生急則死
上條言產後以乳哺子之時而患熱病其脈只宜

醫通卷十一 產後

懸小不宜實大者以產後新虛故也設脈雖懸小
而見手足逆冷又為脾氣衰絕陰氣暴逆之候亦
主死也下條言產後中風熱而至喘鳴肩息以風
熱逆於陽位其脈必不能懸小但須實大之中而
往來和緩則脾胃之氣在其中矣設見急疾胃氣
已絕安得不死後世以為乳子二字誤認小兒如
張介賓之明亦不加察且因此而謂小兒不當視
虎口三關即宜診兩手六部非智者之一失歟
金匱云問曰新產婦人有三病一者病瘧二者病鬱

胃三者大便難何謂也師曰新產血虛多汗出善中
風故令病瘧亡血復汗寒多故令鬱胃亡津液胃燥
故大便難產婦鬱胃其脈微弱嘔不能食大便反堅
但頭汗出所以然者血虛而厥厥而必冒胃家欲解
必大汗出以血虛下厥孤陽上出故頭汗出所以產
婦善汗出者亡陰血虛陽氣獨盛故當汗出陰陽乃
復大便堅嘔不能食小柴胡湯主之
病解能食七八日更發熱者此為胃實大承氣湯主
之

醫通卷十一 產後

產後氣血俱虛汗下皆禁獨此一證用大承氣者
乃證治之變不當以尋常例測也以其病解之後
尚有餘熱在胃所以能食食入既多至七八日更
加發熱者此必復傷飲食之故故知胃有實結恐
其煎迫津液故以急下救陰為務然必年體強旺
脈證俱實且時日既久與新產大便難不同是可
議下設遇胃虛之人雖能食而所食不多即有發
熱便秘亦屬血虛急宜調養氣血斷非承氣所宜
不可恣行攻擊也

產後腹中疝痛當歸生薑羊肉湯主之并治腹中寒疝虛勞不足若寒多者加生薑成一飢痛多而嘔者加橘皮一兩白朮一兩

產後腹中疝痛乃寒積厥陰衝脈故用辛溫以散血中之寒助以血肉之性大補精血較諸補劑功効懸殊若腹痛兼嘔而所嘔皆是稀痰是知脾虛濁氣上逆故加橘皮以宣散其氣白朮以固護其脾倘見血逆而嘔所嘔渾是清水腹脹滿急則加桃仁肉桂具見言外矣至於寒疝虛勞少腹結痛

醫通卷十一 產後

總是下焦寒結亦不越是方也

產後腹痛煩滿不得臥枳實芍藥散主之并主癰膿以麥粥下之

仲景凡治腹痛多用芍藥以其能收陰氣之散也以其能除血痺之痛也以其能緩中而止急痛也本草謂主邪氣腹痛故多用之蓋五氣之邪莫如厥陰肝木之性急暴一有不平則直作痛也此方治疝痛用芍藥爲主佐以枳實炒黑入血破積聚收陰緩中逐陳致新麥粥補血下氣而壯血脈

也

師曰產婦腹痛法當以枳實芍藥散假令不愈者此爲腹中有乾血著臍下宜下瘀血湯主之亦主經水不利頓服之新血下如豚肝

血之燥乾凝者非芍藥枳實可能治須用大黃桃仁蠱蟲下其血閉更加蜜以緩大黃之急也

產後七八日無太陽證少腹堅痛此惡露未盡不大便煩躁發熱切脈微實再倍發熱日晡時煩躁者不食食則譫語至夜即愈宜大承氣湯主之熱在於裏

醫通卷十一 產後

結在膀胱也

太陽爲表膀胱爲裏七八日表證入裏故曰無太陽證惡露已爲病氣所鬱不能盡去因入裏與惡露相搏結在膀胱而作少腹堅痛下焦熱極故不大便煩躁發熱更切其脈微實再倍其發熱在日晡時而煩躁不食熱邪又攻於胃胃熱則不食食入則殺氣之熱更助兩熱相併故譫語至夜即愈者產後血虛熱邪易入血室入血室則夜如見鬼狀言此以明其熱不在血室而在膀胱與胃故

用大承氣湯也

產後風續之數十日不解頭微痛惡寒時時有熱心下悶乾嘔汗出雖久陽旦證續在者可與陽旦湯

舉此與上文承氣湯為表裏之例

產後中風發熱面正赤喘而頭痛竹葉湯主之溫覆使汗出頸項強用大附子一枚破之如豆入前藥湯去沫嘔者加半夏半升洗

此證太陽上行至頸表陽明脈過膈上循於面二經合病多加葛根以葛根為陽明解肌藥也防風

醫通卷十一 產後

五

佐桂枝去二經之風竹葉桔梗主氣上喘參草和中氣薑棗行營衛穀氣行則上下交濟而汗出解矣附子恐是方後所加治頸項強者以邪在太陽禁固其筋脈不得屈伸故用附子溫經散寒揚去沫者不使辛熱上浮之氣助其虛陽上逆也若邪在胸而嘔加半夏治之上言破之如豆入前藥舊本作如豆大今如徐忠可駁正
婦人乳中虛煩亂嘔逆安中益氣竹皮大間主之有熱者倍白薇煩喘者加柏實一分

乳中虛言乳哺而乳汁去多則陰血乏而胃中亦虛陰乏則火撓而神昏亂胃虛則嘔逆用甘草瀉心火石膏療煩亂竹皮主嘔逆桂枝和營氣又宣導諸藥使無枵格之逆煩喘者為心虛火動故加柏實以安之

產後下利虛極白頭翁加甘草阿膠湯主之

傷寒厥陰證熱利下重者用白頭翁湯苦寒治熱以堅腸胃此產後氣血兩虛故加阿膠甘草然下利血滯也古人云血行則利自止此方豈獨治產

醫通卷十一 產後

六

後哉

婦人在草蓐自發露得風四肢苦煩熱頭痛者與小柴胡湯頭不痛但煩者千金三物黃芩湯

自發露謂自發衣露體得風非邪外傷者故不為自汗風病蓋產時天機開發雖微風亦得入之外感之風內應之火合化淫於四末而作四肢苦煩熱上至於頭作頭痛病在表裏之間故用小柴胡湯主治少陽若頭不痛是無表也惟肝膽風熱內動上膈作煩故用黃芩退熱苦參養肝熱地補血

而益腎水則肝膽之火寧矣

婦人產後虛羸不足腹中刺痛不止吸吸少氣或苦少腹中急摩引腰背不能食飲千金內補當歸建中湯產後一月日得服四五劑為善令人強壯若太虛加飴糖六兩湯成內之於火上煖令飴消若去血過多崩傷內衄不止加地黃六兩阿膠二兩合八味湯成內阿膠

產後血去營衛俱虛內不充於五藏肝木妄動作腹中刺痛上不充於膈中遂吸吸少氣下不濟於

醫通卷十一 產後

七

腎故少腹急引外連腰脊六府不和則不能食用此以益營衛伐肝邪補中和內○按此即黃耆建中之變法彼用黃耆以助外衛之陽此用當歸以調內營之血然助外則用桂枝調中則宜肉桂兩不移易之定法也

千金二字義見中風門方千金三黃湯下

諸禁○一禁臥二禁酒三禁浴四禁寒五禁汗六禁下七禁利小便八禁寒涼藥九禁起動作勞蓋初產血氣未定遽臥則惡血上升故分晚之後須高卧仰倚切不可即臥三朝始可稍去其壁尚宜高枕七日

後如無他病方可安枕多有半月後未能貼席者酒能助火亂經誤用不無動血之虞至如難子猪腎一切滯氣堅紉難化物及生冷膩滑皆不可食即砂仁湯亦能動血咸在禁例浴能升動惡露雖當夏月亦須禁之曾有產數日後因浴瘀血上衝而斃者亦有因浴動血誤用寒涼瘀結不行血化為水喘滿腫脹而死者不可不慎也新產驟虛最忌著寒則血氣凝滯諸變冗生每至飲食不化腹痛作瀉禍患莫測欲去其瘀則正氣并脫欲止其瀉則瘀結不行惟薑

醫通卷十一 產後 諸禁

八

桂參朮辛溫煖補庶幾血行瀉止故冬月一產即宜重綿兜護其腹在夏月亦當覆巾裏之機要云胎產之病從厥陰無犯胃氣及上中二焦為之三禁不可汗不可下不可利小便制劑之法能不犯三禁則營衛自和而寒熱止矣故產後雖有表證一切風藥皆不可用以其性升不特載血上行令人發暈抑且令人入陽多致汗脫而死不特風藥當禁即佛手散中芍藥皆為散用恐湯能發汗也至於下藥尤為切禁非特硝黃難於輕試即洩便數難者只宜調養元氣

若車前澤瀉之類。咸非所宜。以產後百脈空疎。自裏至表。無一不虛。虛則諸寒皆禁。卽芍藥亦難輕用。以其酸寒。伐生發之氣也。地黃皆當慎用。以純陰之味。能令作瀉也。黃芩能凝滯瘀血。令人惡露不行。爲害不淺。然皆產後常禁。設有表裏客邪。又不當拘於上說也。試觀金匱產後例中。陽旦湯之用芩芍。以其中有桂也。薛按八珍十全之用熟地芍藥。以其中有參朮及桂也。豈復拘於此例哉。况乎大承氣小柴胡三物黃芩下瘀血等方。皆產後治例。此聖人臨證如日。

醫通卷十一 產後諸禁

九

大轉回天之手。非尋常下士可得而測識也。迨夫早起作勞。不避風寒。不禁飲食。往往致成大病者。皆自作之孽耳。○凡產後之脈。寸口洪疾不調者。死。沉微附骨不絕者。生。緩滑沉小者。吉。實大弦急者。危。牢革結代及滯澀不調者。不治。

血暈○產後元氣虧損。惡露乘虛上攻。眼花頭暈。或心下滿悶。神昏口噤。或痰涎壅盛者。急用熱童便。主之。若血下多而暈。或神昏煩亂者。芎歸湯加人參三錢。澤蘭葉一握。童便半盞。兼補而散之。痰合二陳。

加烏梅薑汁。并用鐵秤鉅燒令赤。以醋沃之。或燒漆器并亂髮。以烟熏之。產後因虛火較血上行而暈。用鹿茸灰爲細末。好酒童便灌下一呷。卽醒。行血極快。產後昏暈嘔逆。不能飲食。此胃虛挾痰所致。以紙聖散去赤芍。加炮薑茯苓。慎不可用芎歸血藥。臍膈其嘔逆愈不能止矣。○初產血暈。速與扶起。勿卽用韭葉一握。切碎。入有嘴磁瓶。中將醋煎滾。澆入瓶內。意蓋瓶口。以嘴向婦鼻孔。令氣透入鼻中。卽蘇。若惡露未盡。忽昏悶不省人事。須問先因感氣而下胎者。以

醫通卷十一 產後血暈

十

二陳加芎歸香附桃仁山查薑汁。切不可作中風治。產後口眼喎斜等證。當大補氣血。十全大補下黑龍丹。肥人佐以痰藥。如呈半木香之類。若作中風治。而用小續命。必殆。若腹中刺痛者。嚴氏清魂散。血暈語言顛倒。健忘失志。此血入心包。宜失笑散加鬱金。或用血竭沒藥等分。爲末。熱酒和童便調下。二錢。良久再服。惡血自下。

三衝○敗血上衝有三。或歌舞談笑。或怒罵坐卧。甚者踰牆上屋。口咬拳打。山腔野調。號佛名神。此敗血

衝心多死。方書用龍齒清魂散。然用之多不應。不若花藥石散最捷。琥珀黑龍丹亦効。如雖悶亂不致顛狂者。失笑散加鬱金。若飽悶嘔惡。腹滿脹痛者。曰衝胃。古法用五積散。余嘗用平胃加薑桂。往往効。不應送來復丹。嘔逆腹脹。血化為水者。金匱下瘀血湯。若面赤嘔逆欲死。曰衝肺。二味參蘇飲甚則加芒硝。蕩滌之大抵衝心者。十難救。一衝胃者。五死。五生。衝肺者。十全一二。○產後口鼻起黑色而鼻衄者。是胃氣虛敗而血滯也。急用二味參蘇飲稍遲不救。

醫通卷十一 產後三條 三

三急。○產後諸病。惟嘔吐盜汗泄瀉為急。三者並見。必危。痰閉心痰。抵聖散去芍藥。加炮薑茯苓。多汗加烏梅。慎不可用浮麥。傷胃耗氣。棗仁膩滑作瀉。芍藥五味酸收。皆能阻滯惡露也。

三審。○凡診新產婦。先審少腹痛與不痛。以徵惡露之有無。次審大便通與不通。以徵津液之盛衰。再審乳汁行與不行。及乎飲食多少。以徵胃氣之充饒。必先審此三者。以脈象證以證合。脈脈證相符。雖異尋常治之。必愈。脈證相反。縱無危候。必多變端。即如產

後惡露常以彌月為期。然間有六七朝即淨者。又未可以概論也。此雖產母稟質不同。而胎之所稟亦異。如胎息壯盛。則氣血盡歸其子。瘀血自少。胎息孱弱。則氣血涵養有餘。瘀血必多。亦有產時去多。產後必少。產時去少。產後必多。勢使然也。曾見一婦。艱產異常。三朝下一血塊。大小形色與茄無異。此後絕無瘀血。惟小便如皂莢汁。其少腹畧無痛楚。良由艱產過傷子宮。關闕廢弛。不能收斂。故其塊得下。世俗名兒枕者是也。大抵常產之婦。開闕有從。既產之後。子宮

醫通卷十一 產後三條 三

即閉。兒枕隨氣攻注。碎作小塊。續續而下。所以綿延日期。此則全塊頓出自無淋瀝之患。即有餘血盡歸洩便矣。此後屢見數婦。證雖大異。尋常以意逆之。其理自若也。產後血脫津傷。大便自應艱澀。每至五七日始通。無足怪也。其有發熱譫語。脈滑實者。又當急攻。以救津液。若兼少腹硬痛。又當破瘀為先。產後三朝。每有寒熱蒸乳。寒熱後。乳汁大行。此胃氣乎化。雖有餘病。必無他慮。如無寒熱而乳汁充然者。血氣本旺也。若不寒熱。無乳汁。此營衛不調。總無所苦。急宜

當歸內補建中湯頻與調之。否則兩月後漸見寒熱。骨蒸而為瘵勞之患矣。

嘔吐。嘔吐惡露不行。二陳加當歸。蓬朮肉桂乾薑。胸腹脹滿。多是傷食。二陳加丁香。不應加人參炮薑。澤蘭藿香。或抵聖散亦佳。如寒。理中湯加藿香。

呃逆。呃逆者。胃寒所生。產後氣血俱虛。風冷搏氣。而逆上。乃胃氣虛寒之極。最為惡候。理中加丁香。古方以丁香豆蔻。伏能肝為木。用桃仁吳茱萸煎湯。下一錢匙。如人行五里。再服。未應急投參附。遲則不

醫通卷十一 產後嘔吐 呃逆 危候

救。

飽悶。產後飽悶惡露不行。多因血逆。宜行瘀血為主。如有塊上升。飽悶欲吐者。二陳湯加薑桂香附炮。查蓬朮塊不散。積久愈堅。琥珀黑龍丹。若惡露已淨。而飽悶受氣也。沉香降氣散。若敗血傷於脾胃。而腹脹嘔吐者。抵聖散加陵經甲肉桂。孕婦服安胎藥過多。或正產或半產後。經一兩月惡露未淨。此非敗血之比。宜導氣行血。若用止截。誤矣。飲食停滯。六君子加木香厚朴。大凡傷其脾胃者。當節飲食為主。

識語。識語多有血滯。亦有血虛。著風而痰鬱者。不可專以痰斷。亦不可認為血逆。其後識語。必脈大有

力。始與證合。然又與產後不宜。故多難治。去血少者。血滯也。實則桃仁承氣。下瘀血湯。虛則龍齒清魂散。或四烏湯。用赤芍歸尾。加桃仁薑汁。去血多者。血虛也。蓋血虛則心神失守。故識語。必先養血。不可用參木峻補。當歸內補建中湯。當歸芍藥散。膠艾湯。選用若風兼痰鬱者。心經虛。故風痰客之。導痰湯加鈎藤鈎薄荷。又方益母草為末。薄荷湯為丸。童便服之。專

醫通卷十一 產後識語 加見鬼神

治產後識語。

如見鬼神。產後傷耗血脈。心氣虛。則敗血停積。上干於心。遂至心中煩躁。卧起不安。如見鬼神。言語顛錯。誤作風治。必殆。虛則四物湯換生地。加桂心炮薑。生蒲黃石菖蒲。實則四烏湯加川連。煎成入龍腦一捻。服後得睡。即安心。悸恍惚。語言錯亂者。千金遠志湯。如內虛敗血攻心。狂言亂語者。龍齒清魂散。瘀積不行。腹脹喘急者。急用下瘀血湯攻之。庶或可收。稍遲必難挽回。此證多有心脾血少者。宜八珍加炮薑。

則痰清神自安矣

不語○產後不語多因停積敗血閉於心竅神志不能明了嚴氏清魂加蘇木丹參若因心腎氣虛而不能通於舌則舌強不語辰砂七珍散或人參石菖蒲等分不時煎服腎虛風熱地黃飲子肝木太過柴胡清肝散或小柴胡加鈎藤脾受水侮六君子加升麻鈎藤氣血俱虛八珍湯加菖蒲遠志不應獨參湯加附子一片峻補其氣而血自生若竟用血藥則誤矣發瘧○產後發瘧因去血過多元氣虧極或外邪相

醫通卷十一 產後不語發瘧

主

搏或陰火內動所致故傷寒汗下過多潰瘍膿血大泄多患此證須大補氣血或保無虞若攻風邪必死其證牙關緊急腰背反張四肢抽搐兩目連斜十全大補有汗加炮薑多汗加附子不應并加薑附倍人參多服始應嘗治大虛之證服參耆數觔附子數枚方應若汗拭不及兩手漠空者不治

發熱○婦人產後血虛陽無所依而浮散於外故多發熱治宜四物補陰而以炮薑之苦溫從治收其浮散使歸於陰若氣血俱虛惡寒發熱煩躁作渴十全

太補湯若熱愈甚急加桂附若血虛至夜發熱小腹腰脇作痛四物加黃耆五錢肉桂一錢若作渴而赤當歸補血湯若誤認為火證投以涼藥禍在反掌然產後脾胃多虛有過於飲食傷滯而發熱者慎勿誤作血虛治但遇產後發熱若胸膈飽悶噯氣惡食泄瀉等證只作傷食治之若發熱而飲食自調者方用補血正法○產後大發熱必用炮薑同茯苓淡滲其熱一應苦寒并發表之藥皆不可用凡產後發熱惡寒皆屬血虛此熱非有餘之熱乃陰虛生內熱耳故

醫通卷十一 產後發熱

主

以補陰藥加炮薑大劑服之且炮薑能入肺胃散虛熱入肝脾引血藥生血然不可多用獨用必與補陰藥同用此造化自然之妙也惡寒發熱腹痛者當去惡血○產後脈洪數胎前脈瀦弱多死懷孕者脈宜滑數已產而滑數不改者雖未必死多費調理寒熱○產後因氣血虛弱脾胃虧損而發寒熱皆不足證經云陽虛則惡寒陰虛則發熱若兼大便不通尤屬氣血枯槁切禁發表降火若寸口脈微為陽氣不足陰氣上入陽中而惡寒補中益氣湯加薑棗發

起之尺部脈弦為陰氣不足陽氣下陷陰中而發熱六味凡加肉桂以收攝之若肌熱大渴引飲目赤面紅此血虛發熱當歸補血湯不可誤認客邪而用表散藥○下血過多寒熱而小腹不痛者此營衛虧損陰陽不和屬虛增損四物湯若惡露未淨傷滯胞絡寒熱而小腹痛者屬實輕則四烏湯重則醋煎散產後卧不如法敗血流入經絡骨節間寒熱腰肢腫熱痛不可拊局方調經散有食消食頭痛骨疼寒熱者外感風寒也參蘇飲增損柴胡湯柴胡四物湯選用

或兼瀉及吐者五積散○胸膈飽悶前後心痛寒熱者傷氣與食也指迷七氣湯虛人局方七氣合沉香降氣散如飽滿寒熱兼腹痛腰疼者四烏湯○熱而不寒胸煩自汗與大病後虛煩相似此去血過多血虛生熱也逍遙散若臍下熱非熱地不能治如大熱必用炮薑日晡轉甚者非柴胡不能治不應必用肉桂○新產蒸乳發熱不必服藥中風○產後類中風證大多血虛非真中也或挾風或挾痰或挾氣證雖不一治法莫要於行血芎歸湯

加荆芥穗淋黑豆酒煎服亦治角弓反張手足癱瘓脈來虛浮者血暈四肢強直芎歸湯加童便或用荆芥穗微焙為末豆淋酒調下二錢或童便服之口噤則挾齒灌之斷噤則灌入鼻中即蘇手足癱瘓敗血入經絡也用五積散又有形盛氣虛產後痿廢不起者但當補氣藥中兼行氣為主朝用香砂六君子藥用越鞠丸久服自効

虛用異功散去木加山藥細辛桂枝陰虛兼感客邪者六味丸去芍加桂枝細辛陰虛水不制火而嗽六味丸加麥冬五味乾欬內熱不寒桔梗湯加麥冬麥冬丹皮蜜煎薑橘之類蓋乾欬一證有小兒食乳易治無則成勞

發喘○喘而痰聲大作此痰犯肺金也豁其痰喘自定風則金匱旋覆花湯加甘草桔梗惡露未淨加炮薑丹參有食加厚朴陳皮不嗽而喘此肺為火迫乃真喘也難治若肺虛熱生脈散為主藥肺胃氣虛異

功改加倍。梗兼外邪加細辛。中氣虛寒。前方加炮薑。肉桂。陽氣虛脫。更加附子。腎虛不能納氣。歸元都氣丸。作湯送靈砂丹。兼氣虛者。與異功散兼進。大抵產後發喘。加以脈之虛大急疾。皆不可治。

瘵癰。○產後陰血去多。陽火熾盛。筋失營養。虛極生風。而成此證。若見唇青肉冷。汗出目眩。神昏。命在須臾。四君子加芍歸丹皮。鈎藤。蓋血生於至陰。至陰者脾土也。若肝經血虛。遺精散。加鈎藤。陽氣虛。收十全大補。加薑附。鈎藤。鈎經云。脾之榮在唇。心之液為汗。

醫通卷十一 產後發喘瘵癰

若心脾二藏虛極。而唇白多汗。急用參附救之。若無力抽搐。戴眼反折。汗出如珠不流者。皆不可治。顫振。○產後顫振。乃氣血虧損。虛火益盛。而生風也。切不可。以風為治。急用十全大補。溫補氣血為主。如小產後半身肉顫。半身汗出。亦宜上法。若產後不省人事。口吐涎沫。而顫振。或癰瘵者。當歸補血湯。加荆芥穗。豆淋酒煎服。婦人胎前產後顫振。瘵癰。逍遙歸脾。小柴胡補中。皆可選用。傷風。○產後傷風。須問惡露淨否。而後用藥。若未淨。

而小腹疼痛者。以行血理氣為先。金匱旋復花湯。四烏湯。選用。若惡露已淨。小腹不疼。但頭痛身熱足冷。自汗。欬嗽。黃耆建中湯。頭重。香蘇散。若風寒併傷。營衛俱病。遍體痛。無汗。改毒散。虛甚。若風者。不可發散。逍遙去木。加桂枝。得効。雖遲無失。

傷寒。○產後傷寒。不可遽用小柴胡。蓋有黃芩在內。停滯惡血也。宜小建中湯。增損柴胡湯。時疫。柴胡四物湯。香蘇散。伏氣發溫。葱白香薷湯。感冒氣食。香蘇散。產後得熱病。四肢暖而脈息和平者。生。四肢冷而。

醫通卷十一 產後傷風發熱

脈沉。滿煩熱甚。而脈洪盛者。皆死證也。瘵。○產後瘵。瘵在初產時絕少。即胎前久瘵。淹纏。產後裏氣通達。無不霍然。間有微寒發熱不止者。此衛氣向虛。營血驟傷之故。但與內補。當歸建中湯。熱多。倍芍藥。寒多加黃耆。夜發一倍。當歸三倍。黃耆不應。加生何首烏。虛熱不止。大便不實。加炮薑茯苓。惡露不行。小腹結痛。另用炮黑山查。熬枯黑糖。伏龍肝湯。煎服。或有產後一月半月。感犯風暑。而瘵。小柴胡補中。益氣選用。風加羌活。紫蘇。暑加香薷。厚朴。隨證裁。

酌但黃芩苦寒無論惡露淨與未淨皆非所宜

痢。產後下痢有三一者因胎前患痢產後不止昔人以爲七日必死之候若元氣未敗脈有胃氣可進粥食者伏龍肝湯丸隨證加減多有得生者一者因產後臍腹受冷飲食不化腹痛惡露不行理中湯爲主白加吳黃木香赤加桂心茯苓一者因產後誤食生冷或臨產飲食過度產後泄瀉下痢亦宜理中湯白加枳實茯苓厚朴木香赤加香附炮查熬糖虛加人參肉桂間有熱痢下重白頭翁加甘草阿膠湯清

醫通卷十一 產後痢 瘵勞

三

理之惡露已淨痢久不止腹痛後重補中益氣升舉之大抵產後下痢惟宜顧慮元神調和血氣則積滯自下惡露自行非若妊娠之有胎息難於照顧也瘵勞。瘵勞者因產理不順疲極筋力憂勞心慮或將養失宜虛風客之致令虛羸喘乏寒熱如瘧百節煩疼頭痛自汗肢體倦怠欬嗽痰逆腹中絞刺當扶正氣爲主六君子加當歸若脾肺氣虛欬嗽口乾異功散加麥冬五味氣虛頭暈補中益氣倍用歸耆肝經血虛肢體作痛四物加參苓朮桂肝腎虛弱自汗

盜汗往來寒熱六味丸加五味子脾虛血弱腹痛月經不調歸脾湯倍木香血虛有熱增損柴胡湯骨蒸勞熱嗽痰有紅者異功散去朮加山藥丹皮五味阿膠重便熱而無痰乾欬逍遙散用蜜煎薑橘蜜蒸白朮產後虛損不時寒熱或經一二載元神不復月事不轉先與千金當歸芍藥湯後與烏骨雞丸調補大抵此證多因脾胃虛弱飲食減少以致疲憊而成當補脾胃進飲食則諸病有所倚賴病自愈矣虛煩。產後虛煩皆氣血虧損虛火上泛所致千金

醫通卷十一 產後瘵勞 虛煩驚悸

三

治產後內虛煩熱短氣用甘竹茹湯產後乍寒乍熱手足身溫心胸煩滿用知母湯產後虛煩頭痛短氣悶亂不解用淡竹茹湯產後煩滿不安用人參當歸湯俱孫真人法也驚悸。產後心悸皆心虛所致千金治產後衝悸志意恍惚言語錯亂用茯神湯虛熱口燥加麥門冬虛加人參善忘加遠志麥門冬產後大虛心悸志意不安恍惚恐畏虛煩不眠少氣人參圓吸吸乏氣善忘本方去薯蕷加遠志亦孫真人法也

多汗。產後血虛身熱自汗。逍遙散加熟地、仁烏梅。不可用補氣藥。古方用麥煎散。治產後盜汗。自汗。爲害不可勝數。因外感而汗者。黃芩建中湯。氣血俱虛。十全大補湯。不應加附子。若汗多不止。必發柔痙。尤當前藥。若頭汗者。或因溼熱。或因瘀血。當審虛實。治之。半身汗。山昔人用二陳合四物。治多不効。以血藥助陰。閉滯經絡也。此屬氣血不充。而有寒痰留滯。非大補氣血。兼行經絡。痰不効。宜十全大補人參養營。加星半、川烏。肥人多加豁痰行氣藥。瘦人氣血本枯。

醫通卷十一 產後多汗麻痺

三

天之徵也

麻脊。產後麻脊。宜生血補氣。十全大補湯去血過多。手足發麻。小腹大痛。則遍體麻。暈欲死。此非惡露凝滯。乃虛中挾痰。六君子加炮薑香附。當歸。曾治一婦。產後右半身麻脊。而昏暈不省人事。發即胸膈痞悶。下體重著。或時心神蕩搖。若無心肺之狀。頃則周身冷汗。如漉。大吐痰涎。而蘇。此產後經脈空虛。痰飲乘虛襲入之故。因與六君子加歸。著肉桂。隨手而効。復有一婦。產後左半身麻脊。昏暈不省人事。發則周

身大痛。筋脈痙攣。肌肉掣動。或時頭面赤熱。或時腿。上振振動。搥頭。則蒸蒸汗出。而蘇。此產後營血大虧。虛風襲入之故。用十全大補湯治之。諸證悉平。但麻。昏不止。後與地黃飲子而安。

大小便諸證。產後去血過多。大腸乾澀。每至三五日後。甚至五七日。而大便始通者。皆其常也。或血虛火燥。不可計其日期。必待腹滿。覺脹。欲自去而不能者。乃結在直腸。宜用導法。蜜煎導。或削薑薑。醬瓜。皆可爲導。惟猪膽汁。導禁用。以其苦寒。誤用每致發呃。

醫通卷十一 產後麻痺大便秘結

四

也。若用苦寒藥攻通。反傷中焦元氣。或愈結難通。或通瀉不止。必成敗證。若屬血虛火燥。四物加鮮何首烏。潤下之氣。血俱虛之人。雖數日不通。飲食如常。腹中如故者。八珍加桃仁。蘇子。熟蜜。若多日不解。躁悶異常。不得已。用人參當歸枳殼煎服。亦權宜之術耳。古人用玉燭散治之。反致危殆者。多矣。至如產後日久。病外感熱結。有實邪。燥屎者。急用承氣。大柴胡下之。又不當拘於此例也。小便不通。腹脹如鼓。用炒鹽加麝半字。填臍中外。用葱白十餘莖。作一束。切如